

# JAVNA USTANOVA "APOTEKE SARAJEVO"

Broj: 03-06-1153/17

Sarajevo, 11.08.2017. godine

Na osnovu člana 70. Zakona o javnim nabavkama („Službeni glasnik BiH“, broj: 39/14) i čl. 41. i 42. Statuta („Službene novine KS“ broj 4/14 I 20/16), po preporuci Komisije za javnu nabavku, generalni direktor d o n o s i

## ODLUKU

### o rezultatima okončanog postupka nabavke goriva

I

Prihvata se preporuka Komisije za javne nabavke data u Zapisniku o ocjeni ponuda broj: 03-06-1152/17 od 11.08.2017. godine i Ugovor za javnu nabavku goriva dodjeljuje se ponuđaču HIFA PETROL d.o.o. Sarajevo kao najpovoljnijem ponuđaču, prema kriteriju najniže cijene tehnički zadovoljavajuće ponude.

II

Prijedlog Ugovora za javnu nabavku goriva dostaviti će se na potpis izabranom ponuđaču HIFA PETROL d.o.o. Sarajevo nakon isteka roka od 15 (petnaest) dana od dana kada je ponuđač obaviješten o izboru najpovoljnije ponude.

III

Vrsta postupka po kojem se provodio postupak nabavke iz člana 1. je bio konkurentski postupak, a Obavještenje o javnoj nabavci objavljeno je dana 24.07.2017. godine, pod brojem: 806-7-1-15-3-8/17.

IV

Tendersku dokumentaciju sa portala Agencije za javne nabavke BiH preuzelo je 8 ( osam ) privrednih subjekata, a učešće u javnoj nabavci uzela su 3 (tri) ponuđača.

Nakon E-aukcije, provedene dana 10.08.2017. godine, utvrđena je konačna rang lista ponuđača, te je utvrđeno da je ponuda ponuđača HIFA PETROL d.o.o. Sarajevo najpovoljnija, sa konačnom cijenom ponude od 28.523,01 KM bez PDV-a.

V

Obzirom da je HIFA PETROL d.o.o. Sarajevo u ponudi dostavio ovjerene kopije dokumentacije iz člana 45. stav 2. Zakona o javnim nabavkama, to nije obavezan iste dostavljati naknadno.

VI

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. Zakona o javnim nabavkama.

## VII

Protiv ove odluke kandidat - ponuđač ima pravo da podnese žalbu u roku od 5 (pet) dana od dana prijema iste.

Žalba se podnosi Javnoj ustanovi „Apotheke Sarajevo“ kao ugovornom organu na adresu Saliha Hadžihuseinovića Muvekita broj 11, 71000 Sarajevo, a može se izjaviti i na zapisnik kod ovog organa.

**JU „Apotheke Sarajevo“**

**Prim. mr. ph. Sait Muradić**

**Generalni direktor**



**Prilog:**

- Zapisnik o ocjeni ponuda broj: 03-06-1152/17 od 11.08.2017. godine

**DOSTAVLJENO:**

1. Ponuđačima (3x)
2. a/a

Nakon sprovedene procedure konkurentskog postuka na način i po postupku predviđenom odredbama Zakona o javnim nabavkama BiH, zaključuje se

**U G O V O R**  
**O SNABDIJEVANJU GORIVOM ZA SLUŽBENA VOZILA JU "APOTEKE SARAJEVO"**

između:

**1. JAVNE USTANOVE "APOTEKE SARAJEVO"**, Sarajevo, Aleja Bosne srebrene bb/IX, koju zastupa generalni direktor Prim. mr. ph. Sait Muradić (u daljem tekstu Kupac)

**2. HIFA – PETROL D.O.O.** Sarajevo, Hotonj bb, 71320 Vogošća, ID: 4200999090005; PDV : 200999090005; transakcijski račun broj: 3385502203296597 kod Unicredit banka, koju zastupa Hajrudin Ahmetlić , direktor (u daljem tekstu: Prodavac).

**I PREDMET I CIJENA**

**Član 1.**

Predmet Ugovora je kontinuirano snadbijevanje naftnim derivatima za potrebe službenih vozila Kupca ( putničkih i transportnih) na period od dvije godine, a počev od dana zaključivanja ugovora, odnosno do isteka ugovorenih količina ili vrijednosti utvrđene ovim Ugovorom.

**Član 2.**

Predmetom ovog Ugovora su goriva:

DIZEL GORIVO EN 590 (10 PPM) – 18800 litara

BENZIN GORIVO BMB 95 BAS EN 228 - 2200 litara

( okvirne dvogodišnje količine goriva).

Kvaliteta goriva mora biti u skladu sa Odlukom o kvalitetu tečnih goriva ("Službeni glasnik BiH" broj 27/02, Odlukom o izmjenama i dopunama Odluke o kvalitetu tečnih goriva "Službeni glasnik BiH", br. 28/04, 16/05, 14/06, 22/07, 101/08, 71/09, 58/10 i 73/10).

**Član 3.**

Vrijednost Ugovora iznosi 28.523,01 KM, bez PDV-a.

Ponuda broj: JN-2624/17 od 07.09.2017. godine (u daljem tekstu: Ponuda), dostavljena u skladu sa provedenom E- aukcijom, je sastavni dio ovog Ugovora.

Cijena goriva obračunavati će se u skladu sa ponudom Prodavca od 07.09.2017. godine.

JU „Apoteke Sarajevo“



HIFA – PETROL D.O.O. Sarajevo

Cijene se mogu mijenjati isključivo uz predhodnu najavu u skladu sa pravilima formiranja cijene nafte i naftnih derivata na tržištu Bosne i Hercegovine.

#### Član 4.

Identifikacija vozila za preuzimanje goriva će se vršiti putem kartica koje izdaje Prodavac na zahtjev Kupca, a koje Prodavac izdaje Kupcu bez naknade, po potpisivanju ugovora.

Kupac je dužan obavijestiti Prodavca o svim novonastalim promjenama u smislu promjene sjedišta/statusa, kao i podataka koji se odnose na vozila i ovlaštene osobe.

Ovlašteno lice Kupca preuzima ugovorene robe na benzinskoj stanici i obavezno je prisustvovati prijemu robe.

Ugovorena roba je kvantitativno primljena u onom momentu kada ovlašteno lice Kupca potvrdi prijem uz obavezan potpis na dva primjerka računa registar kase.

Ukoliko Kupac prilikom nabave goriva uoči nedostatke u pogledu kvalitete i količine na istom, zadržava pravo da ne prihvati dalje izvršenje predmetne nabave, te će Prodavcu dostaviti pismenu opomenu i zahtijevati ponovno izvršenje iste nabavke u roku od 24 (dvadesetčetiri) sata od uočavanja naprijed navedenih nedostataka. Ako se Prodavac nakon pismene opomene ne bude pridržavao odredbi koje se tiču kvalitete i količine ugovorene predmetne nabave, Kupac zadržava pravo da automatski raskine ugovor i da ne izvrši plaćanje fakture za nekvalitetno izvršene isporuke goriva

#### Član 5.

Prodavac se obavezuje da će fakturisanje za isporučenu količinu goriva vršiti na mjesečnoj razini do 10. (desetog) u mjesecu za protekli mjesec, po cijenama datim u Ponudi, odnosno po važećim maloprodajnim cijenama, uz dokaz da je gorivo sipano u službeno vozilo korisnika-vozača JU „Apoteke Sarajevo“, uz obavezno dostavljanje OPC Obrasca u vezi izmjene cijena za robe koje su predmet ugovaranja od strane Prodavca.

Uz ispostavljene fakture, Prodavac je obavezan priložiti pregled koji će sadržavati: datum punjenja goriva, naziv benzinske pumpe, registracijski broj vozila, vrstu goriva koje je sipano, količinu u litrima, maloprodajnu cijenu, iznos rabata, te broj kartice.

Kupac se obavezuje da će plaćanje obaveza po izdatimakturama vršiti u roku od 30 (trideset) dana od primitka istih.

Ukoliko uz izdatu fakturu nije dostavljen dokument utvrđeni u stavu (2) ovog člana, Naručilac nije obavezan izvršiti plaćanje sve dok se propisana dokumentacija ne dostavi.

Obaveza je Prodavca da izda Kupcu dvije odvojene fakture, i to jednu za gorivo sipano u transportna vozila i drugu za gorivo sipano u putnička vozila.

#### Član 6.

Ugovorne strane su saglasne da OPC obrazac koji je u primjeni u periodu potpisivanja ovog Ugovora, čini njegov sastavni dio.

JU „Apoteke Sarajevo“



HIFA – PETROL D.O.O. Sarajevo

**Član 7.**

Dobavljač je dužan vršiti isporuke za period od dvije godine, odnosno do isteka ugovorenih količina ili vrijednosti utvrđene ovim Ugovorom.

**Član 8.**

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

**Član 9.**

Ugovor se primjenjuje danom potpisivanja, a sastavljen je u 4 (četiri) istovjetna primjerka, od kojih svaka ugovorna strana zadržava po 2 (dva).

**JU „Apoteke Sarajevo“**

Prim. mr. ph. Sait Muradić

Generalni direktor



Broj:01-03-1268/17

Datum: 11.09.2017.



**HIFA – PETROL D.O.O. Sarajevo**

Hajrudin Ahmetlić

Direktor



HIFA-PETROL  
d.o.o.  
SARAJEVO

Broj: 17

Datum: 19.09.2017.



JU „Apoteke Sarajevo“



HIFA – PETROL D.O.O. Sarajevo

